

**Univerzitet u Sarajevu - Elektrotehnički fakultet**

Broj: 02-969/22

Sarajevo, 25.02.2022.

Na osnovu člana 69. stav (3) Zakona o javnim nabavkama ("Službeni glasnik BiH", broj: 39/14), člana 136. Zakona o visokom obrazovanju ("Službene novine Kantona Sarajevo", br. 33/17, 35/20, 40/20 i 39/21) i člana 108. Statuta Univerziteta u Sarajevu (br. 01-1093-3-1/18 od 28.11.2018. godine), a u skladu sa Rješnjem Ureda za razmatranje žalbi, Filijala Mostar (br. JN2-03-07-1-77-7/22 od 10.02.2022. godine), u postupku javne nabavke roba - Kompjuterska oprema, dekan Univerziteta u Sarajevu - Elektrotehničkog fakulteta, *donosi*

**ODLUKU****o otkazivanju postupka javne nabavke****Član 1.**

Postupak javne nabavke roba: Kompjuterska oprema, pokrenut putem otvorenog postupka, po Obavještenju objavljenom na Portalu javnih nabavki broj: 29326-1-1-10-3-8/21 od dana 17.12.2021. godine, se otkazuje zbog dokazivih razloga koji se nisu mogli predvidjeti u vrijeme pokretanja postupka javne nabavke.

**Član 2.**

Ova odluka objavit će se na web-stranici Univerziteta u Sarajevu – Elektrotehničkog fakulteta <http://www.etf.unsa.ba/> u skladu sa članom 70. stav (6) Zakona o javnim nabavkama BiH.

**Član 3.**

Ova Odluka stupa na snagu danom donošenja.

**Obrazloženje**

Povodom postupka javne nabavke roba: Kompjuterska oprema, koji je pokrenut Odlukom dekana Univerziteta u Sarajevu - Elektrotehničkog fakulteta (broj: 02-5944/21 od 19.11.2021. godine), putem otvorenog postupka, objavljena je Tenderska dokumentacija broj: 02-5948/21 kao i Obavještenje o nabavci broj: 29326-1-1-10-3-8/21 na Portalu javnih nabavki dana 17.12.2021. godine. Dana 31.12.2021. godine je putem pošte zaprimljena žalba ponuđača "RUBIKON" d.o.o. Bijeljina, na navedenu Tendersku dokumentaciju. Ugovorni organ je dana 31.12.2021. godine dopisom broj: 02-6936/21 putem e-maila obavijestio ponuđače koji su preuzeli tendersku dokumentaciju putem portala Javnih nabavki o prekidu postupka do odlučivanja po žalbi. Dana 06.01.2022. godine, Ugovorni organ je u skladu sa članom 100. stav (5) Zakona o javnim nabavkama BiH, u roku od 5 (pet) dana utvrdio da je dostavljena žalba blagovremena, dopuštena i izjavljena od ovlaštenog lica ali neosnovana, te je žalbu sa izjašnjenjem na žalbu prosljedio Uredu za razmatranje žalbi, Filijala Mostar.

Dana 16.02.2022. godine Ugovorni organ je putem pošte zaprimio Rješenje Ureda za razmatranje žalbi, Filijala Mostar broj: JN2-03-07-1-77-7/22 od 10.02.2022. godine, kojim se odbacuje žalba ponuđača "RUBIKON" d.o.o. Bijeljina.

Ugovorni organ otkazuje navedeni postupak, zbog dokazivih razloga koji se nisu mogli predvidjeti u vrijeme pokretanja postupka a na osnovu člana 69. stav (3) Zakona o javnim nabavkama BiH.

Naime, postupak javne nabavke roba: Kompjuterska oprema je pokrenut u skladu sa Odlukom Upravnog odbora Univerziteta u Sarajevu o izmjeni/dopuni Plana javnih nabavki integrisanog Univerziteta u Sarajevu za 2021. godinu (br. 02-26-2/21 od 07.09.2021. godine), a za potrebe realizacije projekta pod nazivom: "Detekcija horizontalnih sabračajnih znakova primjenom AI metoda u cilju poboljšavanja autonomne vožnje".

Obzirom da je uložena žalba, čime je postupak javne nabavke obustavljen a zbog činjenice da Ugovorni organ primjenjuje trezorsko poslovanje, na osnovu kojeg trenutno nije u mogućnosti raspolagati sredstvima iz izvora iz kojeg je finansiran navedeni projekat, jer nisu unesena razgraničenja u budžet, te se postupak otkazuje.

Uzimajući u obzir naprijed navedeno, primjenom člana 69. stava (3) Zakona o javnim nabavkama, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od deset (10) dana od dana donošenja ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka. Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

**DEKAN**

**Prof. dr. Jasmin Velagić**

#### **Dostaviti:**

- Služba za finansije i računovodstvo
- Služba ja javne nabavke
- a/a

